

# Vísindanefnd

Umfangsmikill hluti starfsemi vísindanefndar sneri að Rannsóknasjóði Háskóla Íslands. Unnið var úr umsóknum og úthlutað úr Rannsóknasjóði fyrir árið 2012 veturinn 2011. Breyting varð á skipulagi vísindanefndar og fagráða frá því 2010 og störfuðu þau nú með eftirfarandi hætti: Vísindanefnd er skipuð formönnum vísindanefnda fræðasviða Háskóla Íslands, auk formanns án tilnefningar, sem rektor skipaði. Vísindanefnd háskólaráðs verður jafnframt stjórn Rannsóknasjóðs Háskóla Íslands og annast úthlutun úr sjóðnum á grundvelli tillagna fagráða. Á vegum vísindanefndar starfa sjálfstæð fagráð sem skipuð eru þremur til fimm fulltrúum hvert. Hlutverk fagráða er að annast faglegt mat og forgangsöröðun á umsóknum í Rannsóknasjóð Háskóla Íslands, Doktorssjóð Rannsóknasjóðs og Háskólasjóð Eimskipafélagsins. Faglegt mat og forgangsöröðun fagráða skal byggjast á forsendum og viðmiðum sem vísindanefnd háskólaráðs setur. Fagráðin meta allar umsóknir á fagsviði sínu. Samræming og lokafrágangur úthlutunar er síðan í höndum vísindanefndar.

Við úthlutun fyrir 2012 var unnið samkvæmt svipuðum viðmiðum og áður. Lögð var áhersla á að styrkja sem best þau verkefni sem líklegust þykja til árangurs vegna vísindagildis og virkni umsækjanda. Umsóknir voru 230 og alls var 191 verkefni styrkt. Alls var úthlutað um 203 m.kr. úr Rannsóknasjóði fyrir árið 2012. Hver styrkur nam að meðaltali 1.063 þús.kr. (sjá nánar kafla um Rannsóknasjóð). Vísindanefnd sá einnig um úthlutun verkefndabundinna styrkja til tækjakaupa eins og áður. Einnig voru veittir styrkir til nýdoktora sem hluti af úthlutun Rannsóknasjóðs (sjá nánar kafla um Rannsóknasjóð). Þá voru veittir styrkir til ráðstefnuferða stúdenta í doktorsnámi. Unnt var að styrkja 48 doktorsnema úr Háskólasjóði Eimskipafélags Íslands og Rannsóknasjóði í ár, umsóknir voru alls 171 (sjá nánar kafla um doktorsstyrki). Faglegt mat á umsóknum var, samkvæmt reglum, í höndum vísindanefndar og fagráða hennar. Var umsóknum forgangsraðað eftir vísindalegu gildi verkefnis, vísindalegri hæfni leiðbeinenda og náms- og rannsóknarferli stúdents.

Önnur verkefni vísindanefndar á árinu lutu aðallega að endurskoðun á Rannsóknasjóði, breyttu fyrirkomulagi varðandi umsóknir, styrkveitingar og úrvinnslu. Áætlað er að þær breytingar taki í gildi umsóknarárið 2013.

## Skipan vísindanefndar

Þann 10. október 2011 var ný vísindanefnd skipuð og mun hún sitja þar til í október 2014. Nefndina skipa: Guðrún Marteinsdóttir, prófessor á Verkfræði- og náttúruvísindasviði, formaður, Ármann Jakobsson, prófessor á Hugvísindasviði, Gylfi Magnússon, dósent á Félagsvísindasviði, Snorri Þór Sigurðsson, prófessor á Verkfræði- og náttúruvísindasviði, Steinunn Gestsdóttir, dósent á Menntavísindasviði, Þórdís Kristmundsdóttir, prófessor á Heilbrigðisvísindasviði, og Erna Kristín Blöndal, doktorsnemi í lögfræði, fulltrúi stúdenta.

Áður sátu í nefndinni, til 1. október 2011: Helga Ögmundsdóttir prófessor á Heilbrigðisvísindasviði, formaður, Jón Gunnar Bernburg, prófessor á Félagsvísindasviði, Steinunn Gestsdóttir, dósent á Menntavísindasviði, Freysteinn Sigmundsson, vísindamaður á Verkfræði- og náttúruvísindasviði, Herdís Sveinsdóttir, prófessor á Heilbrigðisvísindasviði, og Svavar Hrafn Svavarsson, prófessor á Hugvísindasviði.